



Ursulina Regli-Monn, Ursera e Rueras

1928-2002

cb/bb- In onn ei strusch vargaus che jeu hael astgau presentar la Ursulina Regli-Monn sut il tel; «Tujetschinas egl jester», cheu en la Tuatschina. Oz ruaussa ella gia ad Ursera en santeri. Dapi liung temps eis ella stada suttaposta d'ina malsogna ed ils ils 8 da settember eis ella spartida da quest mund. Ursulina Regli-Monn ei naschida 1928 a Rueras. Ses geniturs ein stai Giachen Antoni e Anna Maria Monn-Berther che han giu aunc treis affons. In da quels, Gion Giachen, ei sedisgraziaus cun 10 onns en la Val Milar.

Siu temps d'affonza, las scolas e giuventetgna, tut quei ei schabegiau per Ursalina en il vitg da Rueras. L' affonza seigi stada biala, tier tut il luvrar e segidar che secapeva da gliez temps tut da sesez, hagi ella giu in ventireivel temps. Segidar el tener casa, segidar en nuegl e sil funs, far la vadlera, dapertut sco ei pudeva e tunscheva. Giu finiu las scolas eis ella stada dus unviarns tier las soras Caduff enta Rueras per emprender da cusunza. Pli tard fa ella il fagot e serenda a Gams tier ina famiglia. Il schar encre-scher ha turmentau ella e sulet il bargir levgiavi empau. Stregns patrunz, bia lavur mo empriu hagi ella fetg bia cheu en quella piazza. Returnada a Rueras ha ella fatg vinavon il pur cun ils geniturs e fargliuns. Cun far visetas da l'auter maun dil pass Alpsu ha ella empriu d'enconuscher siu futur um, il Leo Regli. 1955 en la vegliadetgna da 27 onns maridan els. La veta purila continuescha cheu, mo muort ina malsogna sto siu um desister dalla clamada da pur e surpren lavur tier la firma Murer e la stad tier la vischerna. La cuvida da haver agens affons han els buca giu. Persuenter adopteschan els dus buobs. Il Herbert ed il Peter che han purtau legria ed era quitaus sco ei sedat en biaras famiglias.

Schegie che l'Ursalina haveva bandunau Rueras fuva ella tonaton ina persuna centrala per TuatschinAS che schigiavan il paun jester ella Val d'Ursera. Bein enqual seregora dallas bialas uras passentadas en casa cun ella e siu um Leo, savend sedivertir, mo era savend svidar ora il cor alla Ursulina. Ella haveva in special dun da tedlar, consolar, cussegiar e dar curascha per tener pétg els stempraus dalla veta.

Pli tard lu, aunc duront ils davos onns, nua che la defuncta sufrevva ton, eran ils discours cun ella fetg profunds. Mo adina cungi cun humor. La cumentientscha exemplarica ch'ils visitaders astgavan veser, e sentir la gronda cardientscha e fidonza en Diu, fageva ina gronda impressiun.

Aschia stat l'Ursalina en buna memoria. Possi ella haver retschiert la meritada pagaglia ella perpetnabad.